


www.BibleForChildren.org

Mateu 26



Morarame
tuhke hkopyra
rokẽ ěmepyrý ise
ro kynexine otuhtoh
konõto ritohme,
Paxikoa ritohme eya
xine. Mame Jezu toytose
Petania pona, Razaru esaka,
tyněsemãkapohpyry ropa
esaka. Morarame Maria
a ixtaratu tapoise typyne
exikety, meio riturume naratu kurã
risemy. Jezu pupuru pona moro
tukuãse eya. Ipupuru tykorokase ropa tũsety
ke eya. Typoxine itamurume toehse tapyi tao.



Morarame Juta Ixikariote Jezu poetoryme kynexine
repe. Mame toytose ynororo Ritonõpo maro oturuketõ
tuisary tomo a Jezu ewokase.


Mame aomiry etaryke tyya
xine tãkye toehse toto.

— Oepehmãko reh
ynanahse, tykase toto
Juta a. Naeroro
toytose ropa
ynororo.

Tãtamorepase
itamurume
Jezu
ewokatoh
poko tyya.



Mame toytose toto Jezu omi
poe otuhtoh ritohme Paxikoame.
Mame tõtukurukohtao ro wyi tapoise
Jezu a. — Kure mase Papa. Yna
zuru seny onekarohpyry yna a,
tykase. Mame wyi tytohtohkase eya
typoetory tõi punero ekarotohme.
Ynara tykase ynororo eya xine:
— Seny, apoitoko
enahtohme
oya xine.



Upũ sero, tykase. Morarame
eukuru tapoise roropa. Tõturuse
ropa Ritonõpo a: — Kure mase,
tykase. Mame typoetory tomo a
eukuru tokarose roropa. — Seny,
ẽtoko, emero porehme. Umunurume
nase sero. Umunuru kuãnõko ase
tuhke iirypyrymãkõ kurãkatohme.
Umunuru ekuamyryhtao
tuhke Ritonõpo
poetoryme exĩko
mã toto jumãme.



— Ximão, tykase Jezu Ximão Peturu a. — Etako pahne! Ynara tykase sã joroko tamuru opoko: “Ximão kuhnõko ase iirypyryme aehtohme,” tykase sã repe, jurumekapory se toexiryke oya. “Ikuhko toto, ypoetory tõ emero,” ase eya repe. Yrome opoko oturuase Papa Kapuaõ maro jenetupuhkehpyra oehtohme. Mame ya toeramase ropa awahtao moxiã ãkorõ tõ ijamihtanohko ropa, yronymyryme jenetupuhtohme eya xine, tykase Jezu eya.




Ynara tykase Peturu eya: — Yna esēme mase.
Orumekara ase. Opyno exikehpyra roropa ase
jūme. Āpuruhpyry taka aaroryhtao, amaro ytōko
ase āpuruhpyry taka. Totapase awahtao eya xine
jorikyry se ase amaro, tykase Peturu Jezu a, repe.
— Etako pahne Peturu, kuratiri onetara ro ahtao
seroae: “Jezu waro
pyra ase! Jezu
waro pyra ase!”
āko mase
oseruao,
tykase
Jezu eya.



Morarame toytose
Jezu typoetory tō maro
Ketysemane pona. Ynara
tykase ynororo typoetory
tomo a: — Taro
oporohoko aporo. Mōtona
pixo ytōko ase Papa maro
oturuse, tykase ynororo.
— Papa, Papa, jamihme
mase. Emero Ritō mase.
Jorikyry se pyra ase repe.
Yrome jorikyry se awahtao
orihnōko ase. Ōmipona
se rokē ase, tykase
ynororo Tummy a.



Morara exiryke morotona toytose Juta, tupito pona.
Tymaro soutatu tõi tarose Ritonõpo Tapyĩ erase tõi
maro. Ritonõpo maro oturuketõi tuisary naropotyã
mokaro kynexine, parixeu tõi naropotyã roropa
kynexine. Typyreke toytose toto.
Tozure roropa toytose toto, koko
exiryke. Mame tytapemã ke
imepỹ takohse Jezu poetory
a, toiro. Ritonõpo maro
oturuketõi tuisary namoto
typanasahkase eya. — Epo
hnae, tykase Jezu eya xine.
Mame ipanary tapose eya.
Kure totyhse ropa axiny.



Mame Jezu tapoise eya xine rahkene. Tarose roropa eya xine Ritonõpo maro oturuketõ tuisary tapyĩ taka. Ameke rokẽ Peturu a tokahmase toto. Mame apoto tukase kynexine tapyi myhto, apuruhpyry rãnao. Moro apoto zomye kohrame toehse toto. Peturu roropa toto maro kohrame toehse.



Ritonõpo maro oturuketõ
tuisary namoto moroto
kynexine. Peturu
nypanakahpyry ekyry
kynexine. Ynara tykase
ynororo Peturu a: — Omoro
make tupito po? tykase.
— Arypyra, ywy kara akene,
tykase Peturu. Mame kuratiri
totase eya. Mame moro tae
tutõtase ropa Peturu. Itamurume
tyhxitapãse ynororo tõmihpyry poko:
“Jezu waro pyra ase. Epeme
pyra ase,” katopõpyry poko tyya.
Mame tyxitase ynororo yronymyryme.




Morarame oximõmākõ towõse
ropa. Jezu tarose eya xine Pirato a
ekarotohme. Mame ynara tykase
Pirato Jezu a: — Juteu tõ tuisary
mahno? tykase. — Ÿ, ywy
ase, tykase Jezu. Mame
Jezu myhpokary se
toehse Pirato repe. Naeroro
tõturuse imoihmākomo a.
Yrome orēpyra tozuhse toto a.

Ynara tykase toto: — Wewe
pokona rokẽ exixihmapoko!

Wewe pokona exixihmapoko!
tykase toto opore tõmitase toto.




Moraramame soutatu tomo a Jezu
tokarose rahkene, wewe pokona
exixihmatohme eya xine. Mame
Jezu tarose soutatu tomo a rahkene.
Toxixihmatoh tarose roropa eya.
Toytose toto ypy pona. Ypy esety
Upuhpõpo. (Epereru omiry ae moro
esety Koukota kynexine.)



Moroto wewe pokona Jezu
toxixihmase eya xine. Imehnõ roropa
toxixihmase wewe pokona eya xine
Jezu maro. Toiro Jezu
apotunuru wino
toiro ipozery
wino, enara.



Mame Ritonõpo esary apuru toexihkase, Ritonõpo
Tapyĩ tao. Kamisa risẽ toexihkase irãnakuroko.
Mame opore Jezu tõturuse Ritonõpo a. Ynara tykase
ynororo: — Papa, kueneko. Orihnõko
ase õmi poe. Oya juzenu
ekarõko ase, tykase ynororo.
Morara kaxĩpo sa rokẽ
toorihse ynororo.



Eya toytose Jezu ekepyry
ekaropose. Joze Arimatea pō
kynexine, imehnō tuisaryme
exikety kynexine. Ritonōpo
omipona exikety
roropa kynexine.
Morarame kamisa
karimutumã
topekahse

eya Jezu
ekepyry zōtotohme.
Touse ahtao wewe
poe tyōtose eya
topu eutary risē
aka tyritohme.
Morarame topu
parihmã ke okepy
ẽ tapuruse eya.




Yrokokoro parixeu
tõ toytose Pirato a
Ritonõpo maro
oturuketõ tuisary
tõ maro juteu tõ
oserematch ae.
Mame ynara
tykase toto eya:




— Etako pahne tuisa, mokyro
onekunohto nexiase.

Orihpyra ro tahtao ynara
nase ynanetaryme:

“Oseruao tōmehse
ahtao ěsemãnōko
ropa ase,”
nase ynororo
ynanetaryme.



Naeroro toytose toto. Azawa
panõ tyrise eya xine
okepy ã apuhtohme,
Jezu ekepyry
ematonanopyryino
imehnomo a. Mame
soutatu tõ tyrise
moroto eya xine
okepy ã eraseme.



Mame oserematoh tykohmãse. Mame
nomĩko ěmepyry ae nohpo tã
toytose ekepyry zonětopõpyry
enese. Maria Matarena
imepỹ Maria maro
toytose toto. Mame
tuaro pyra toto ahtao
nono kywyh kywyh
tykase jamihme.

Mame Ritonõpo
nenyokyhpyry
tyhtose kapu ae.



Jezu ekepyry ãtypyry apurutoh
tysyryhmase ropa eya. Mame
epona typorohse ynororo
topu pona. Mame soutatu
tõ tõserehse itamurume.
Tykytyky tykase toto.

Mame aorihtyã
sã toehse toto.
Nono pona
toepukase toto.



Morarame ynara tykase Ritonõpo
nenyokyhpyry nohpo tomo a:
— Oserehpyra ehtoko. Jezu
zupĩko hmatou wewe
pokona exixihmahpyry?
Zuaro ase. Arypyra
reh taro nahse.
Tõsemãse ropa
mana tõmihpyry
ae ro.

Enetoko ke se ao.
Esahpyry rokẽ moro.




Morara kary etaryke tyya xine axĩ
toytose toto ekepyry esahpyry poe.
Oserehnõko ro toh kynexine.
Yrome tãkye kuhse toh toehse.
Tururume toytose toto Jezu
poetory tõ zuruse. Morarame
tõseporyse toto Jezu maro.



— Torētyke pyra ehtoko, tykase
Jezu eya xine. Mame eya toytose
toto. Ipupuru tapoise toto a.

— Kure mase, Ritonõpo
nymenekahpyryme mase. Yna
esēme mase, tykase toto.





Morotoino typoetory tomo a Jezu tōsenepose rahkene, 11mākomo a, toto otukuruhtao. Orēpyra tōturupose: — Oty katohme axĩ jenetupuhpyra matou? Oty katoh: “Ajohpe rokene,” ãko matou jēsemãtopōpyry ropa poko? tykase Jezu eya xine.

Morarame tōturukehse tahtao Jezu tōnuhse rahkene kapu aka. Mame typorohse ynororo Ritonōpo apotunuru wino.



Ritonõpo sero nono pōkō pyno
ipunaka. Morara exiryke Tumūkuru
toirõ tonehpose eya, emero porehme
enetupuhtohme tosẽkõme, orihpyra
ehtohme, jũme imaro ehtohme.



Romanos 3:23 Kymarokõ emero tyrypyhpyke.
Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykõ
epehpyryme orihnõko sytatose. Yrome Ritonõpo
nekarohpyry ke orihpyra sytatose jũme. Jezu
Kyrixtu Kuesẽkõ marõme exiiko sytatose, toorihse
exiryke kymyakãkõme.

Epereu 9:27 Toipe sytatose. Emero porehme
orihnõko sytatose toiro. Moromeiõpo kuapiakatorỹko
Ritonõpo mana.



Epezu 2:8,9 Naeroro tamoreme opyno xine Ritonõpo toexiryke typynanohse matose. Okurãkatorỹko roropa mana kure oexirykõ pokoino pyra. Jezu enetuputyryke rokẽ oya xine okurãkatorỹko mana. Topehke pyra, tynekarory kurã sã, Tumũkuru tonehpose aorihthome, okurãkatohkõme. Naeroro epyrypasaromepyra matose Ritonõpo poenõme oexirykõ poko. Kure oexirykõ pokoino pyra tukurãkase matose Ritonõpo a.

Romanos 10:9,10 Jezu orihxĩpo tõsemãkapose ropa Ritonõpo a. Moro enetuputyryhtao oya xine imehnõ zurũko matose: “Jezu Jesẽme mana,” ãko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyaa xine kukurãkatorỹko Ritonõpo mana. “Zae mase ya,” ãko mana kyaa xine. “Jezu Jesẽme mana,” karyhtao kyaa xine kypynanohtorỹko Ritonõpo mana.



João 3:16,17 Ritonõpo sero nono põkõ pyno ipunaka. Morara exiryke Tumũkuru toirõ tonehpose eya, emero porehme enetupuhtohme tosẽkõme, orihpyra ehtohme, jũme imaro ehtohme. Sero põkõ pynanohse Tumũkuru tonehpose Ritonõpo a, toto onuãnohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumũkuru enetuputyryke kyya xine. Ritonõpo mũkuru maro exiketõ orihpyra mã toto. Yrome Ritonõpo mũkuru maro pyra exiketõ orihketõme toto. Onenerykõme pape merõko ase orihpỹme oehtohkõ waro oehtohkõme, Jezu Ritonõpo mũkuru enetuputyryke oya xine.



Mateu 26-28; Ruka 22-24; João 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Apalaí Bible (apy) ©2017, Wycliffe Bible
Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.

www.M1914.org

www.bibleforchildren.org

